

**ՀԱՅԱՍՏԱՆԻ ՀԱՆՐԱՊԵՏՈՒԹՅՈՒՆ
ԳԵՂԱՐՔՈՒՆԻՔԻ ՄԱՐԶՊԵՏ
ՈՐՈՇՈՒՄ**

N 121 - Ա

18 փետրվարի 2019 թ.

**ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՀՀ ԳԵՂԱՐՔՈՒՆԻՔԻ ՄԱՐԶԻ ՄԻՆԶԵՎ 10, 12,
14 ԵՎ 16 ՏԱՐԵԿԱՆ ՊԱՏԱՆԻՆԵՐԻ ՇԱԽՄԱՍԻ 2019 ԹՎԱԿԱՆԻ ՄԱՐԶԱՅԻՆ
ԱՌԱՋՆՈՒԹՅՈՒՆ ԿԱԶՄԱԿԵՐՊԵԼՈՒ ԵՎ ԱՆՑԿԱՑՆԵԼՈՒ ՄԱՍԻՆ**

Ղեկավարվելով «Ֆիզիկական կուլտուրայի և սպորտի մասին» Հայաստանի Հանրապետության օրենքի 10-րդ հոդվածի, «Մանկապատանեկան սպորտի մասին» Հայաստանի Հանրապետության օրենքի 22-րդ հոդվածի և «Կառավարչական իրավահարաբերությունների կարգավորման մասին» Հայաստանի Հանրապետության օրենքի 16-րդ հոդվածի 1-ին մասի և 19-րդ հոդվածի դրույթներով

որոշում եմ՝

1. Հաստատել՝

- 1). Հայաստանի Հանրապետության Գեղարքունիքի մարզի մինչև 10, 12, 14 և 16 տարեկան պատանիների շախմատի 2019 թվականի մարզային առաջնության կազմակերպման և անցկացման կազմկոմիտեի կազմը՝ համաձայն N1 հավելվածի
- 2) Հայաստանի Հանրապետության Գեղարքունիքի մարզի մինչև 10, 12, 14 և 16 տարեկան պատանիների շախմատի 2019 թվականի մարզային առաջնության կանոնակարգը՝ համաձայն N2 հավելվածի.
- 3) Հայաստանի Հանրապետության Գեղարքունիքի մարզի մինչև 10, 12, 14 և 16 տարեկան պատանիների շախմատի 2019 թվականի մարզային առաջնության մարզային փուլի անցկացման մրցավարական հանձնաժողովի կազմը՝ համաձայն N3 հավելվածի.

2. Կազմկոմիտեին՝

- 1) կազմակերպել մրցումների մարզային փուլի բացման և փակման հանդիսավոր արարողություն.
- 2) մրցումների ավարտից հետո ներկայացնել հաշվետվություն:

3. Մարզպետարանի առողջապահության և սոցիալական ապահովության վարչության պետ Անուշ Պողոսյանին՝ Հայաստանի Հանրապետության

Գեղարքունիքի մարզի մինչև 10, 12, 14 և 16 տարեկան պատանիների շախմատի 2019 թվականի մարզային առաջնության տարածքային և մարզային փուլերի անցկացման օրերին համապատասխան հաստատություններում ապահովել մրցումների մասնակիցների առաջին բժշկական օգնությունը:

4. Մարզպետարանի քարտուղարության պետ Վերգինե Ղուկասյանին՝ միջոցառման անցկացման գործընթացն իրականացնելու համար ապահովել սույն որոշման առաքումը մարզի համայնքներ:
5. Սույն որոշման կատարման հսկողությունը վերապահել մարզպետի տեղակալ Նարեկ Գրիգորյանին:
6. Սույն որոշումն ուժի մեջ է մտնում ստորագրման պահից:

ՄԱՐԶՊԵՏ՝



ԳՆԵԼ ՍԱՆՈՍՅԱՆ

Հավելված N 1


ՀՀ Գեղարքունիքի մարզպետի
2019 թ. փետրվարի 18 -ի
N 121-Ն որոշման

ԿԱԶՄ

Հայաստանի Հանրապետության Գեղարքունիքի մարզի մինչև 10, 12, 14 և 16 տարեկան պատանիների շախմատի 2019 թվականի մարզային առաջնության կազմակերպման և անցկացման կազմկոմիտեի

- Զազյան Կարեն - ՀՀ Գեղարքունիքի մարզպետարանի կրթության, մշակույթի և սպորտի վարչության պետ /նախագահ/
- Հարությունյան Վանիկ - ՀՀ Գեղարքունիքի մարզպետարանի տեղական ինքնակառավարման և հանրապետական գործադիր մարմինների հարցերով վարչության պետ
- Պողոսյան Անուշ - ՀՀ Գեղարքունիքի մարզպետարանի առողջապահության և սոցիալական ապահովության վարչության պետ
- Բադալյան Կամո - Վարդենիկի Ս. Մխոյանի անվան կրթահամալիրի տնօրեն /համաձայնությամբ/
- Շահբազյան Հասմիկ - ՀՀ Գեղարքունիքի մարզպետարանի տեղեկատվության և հասարակայնության հետ կապերի բաժնի վարիչ
- Չարվադարյան Գեղամ - ՀՀ Գեղարքունիքի մարզպետարանի կրթության, մշակույթի և սպորտի վարչության մշակույթի և սպորտի բաժնի վարիչ
- Առաքելյան Ալեքսան - ՀՀ Գեղարքունիքի մարզպետարանի կրթության, մշակույթի և սպորտի վարչության մշակույթի և սպորտի բաժնի առաջատար մասնագետ

ԳԼԽԱՎՈՐ ՔԱՐՏՈՒՂԱՐ՝



ԽԼՂԱԹՅԱՆ

ԿԱՆՈՆԱԿԱՐԳ

Հայաստանի Հանրապետության Գեղարքունիքի մարզի մինչև 10, 12, 14 և 16 տարեկան պատանիների շախմատի 2019 թվականի մարզային առաջնության

1. ՆՊԱՏԱԿՆ ՈՒ ԽՆԴԻՐՆԵՐԸ

Հայաստանի Հանրապետության Գեղարքունիքի մարզի մինչև 10, 12, 14 և 16 տարեկան պատանիների շախմատի 2019 թվականի մարզային առաջնության նպատակն ու խնդիրներն են՝ նպաստել

- դպրոցականների շրջանում շախմատ մարզածնի մասսայական զարգացմանը
- արտադպրոցական և արտադասարանական աշխատանքների բարելավմանը
- պատանի շախմատիստների մարզական կատարելագործման ապահովմանը
- Հայաստանի պատանիների առաջնության կիսաեզրափակիչ մրցումներին մարզի հավաքական թիմի մասնակցության ապահովմանը:

2. ՄԱՐԶԱՅԻՆ ԱՌԱՋՆՈՒԹՅՈՒՆ ԱՆՑԿԱՑՄԱՆ ԸՆԴՀԱՆՈՒՐ ԴԵԿԱԿԱՐՈՒՄԸ

Մարզային առաջնության ընդհանուր ղեկավարումն իրականացնում է Հայաստանի Հանրապետության Գեղարքունիքի մարզպետարանի կրթության, մշակույթի և սպորտի վարչությունը: Տարածքային փուլի մրցումները կազմակերպում և անցկացնում են մարզում գործող Հայաստանի շախմատի Գավառի, Սևանի, Ճամբարակի, Մարտունու, Սարուխանի, Վարդենիսի և Վարդենիկի մասնաճյուղերը:

3. ՄԱՐԶԱՅԻՆ ԱՌԱՋՆՈՒԹՅԱՆ ԱՆՑԿԱՑՄԱՆ ՓՈՒԼԵՐԸ, ՎԱՅՐԸ ԵՎ ԺԱՄԿԵՏԸ

Մարզային առաջնությունը կանցկացվի երկու փուլերով՝ տարածքային և մարզային: Տարածքային փուլի մրցումները կանցկացվեն 2019 թվականի փետրվարի 15-22-ը, իսկ մարզային փուլի մրցումները՝ 2019 թ. մարտի 5-6-ը, Վարդենիկի Ս. Մխոյանի անվան կրթահամալիրում: Մրցումների սկիզբը ժամը 11⁰⁰-ին:

4. ՄԱՐԶԱՅԻՆ ԱՌԱՋՆՈՒԹՅԱՆ ԱՆՑԿԱՑՄԱՆ ԿԱՐԳԸ

Մարզային առաջնությանը կմասնակցեն Հայաստանի շախմատի ակադեմիայի Գավառի, Սևանի, Ճամբարակի, Մարտունու, Սարուխանի, Վարդենիսի և Վարդենիկի մասնաճյուղերում անցկացված մրցումներում հաղթող ճանաչված շախմատիստները՝ ըստ

տարիքային խմբերի հետևյալ համամասնությամբ. մինչև 10 տարեկաններ՝ 3 տղա, մինչև 12 տարեկաններ՝ 3 տղա, մինչև 14 տարեկաններ՝ 2 տղա, մինչև 16 տարեկաններ՝ 2 տղա և մեկ մրցավար: Ընդ որում՝ մինչև 10 տարեկան պատանիների մրցաշարում մասնակցության իրավունք ունեն առնվազն 3-րդ կարգ ունեցող, մինչև 12, 14 և 16 տարեկան պատանիների մրցաշարում՝ առնվազն 2-րդ կարգ ունեցող շախմատիստները: Թիմի ընդհանուր կազմը՝ 11 մասնակից:

Մարզային առաջնությունը կանցկացվի՝ մինչև 10 և 12 տարեկանների խմբերում շվեյցարական մրցակարգով, մյուս տարիքային խմբերում՝ շրջանաձև: Մարզային առաջնությունը անհատական է: Յուրաքանչյուր խաղացողի մեկ խաղափուլում տրվում է 15 րոպե ժամանակ՝ յուրաքանչյուր քայլի համար 5 վրկ. հավելումով: Առաջնությունը կանցկացվի ՖԻԴԵ-ի կանոնակարգի համաձայն: Յուրաքանչյուր թիմ պարտավոր է ապահովել իր մասնակիցների թվի կեսի չափով շախմատներ և ժամացույցներ: Մարզային փուլի մրցումները կազմակերպում է ՀՀ Գեղարքունիքի մարզպետարանի կրթության, մշակույթի և սպորտի վարչությունը, իսկ առաջնությունը անցկացնում և արդյունքներն ամփոփում է մրցավարական հանձնաժողովը:

5. ԾԱԽՍԵՐԸ

Պատանի շախմատիստների գործուղման հետ կապված ծախսերը հոգում են գործուղող համայնքները՝ օրապահիկ և ճանապարհածախս:

6. ՊԱՐԳԵՎԱՏՐՈՒՄԸ

Մարզային առաջնությունում՝ յուրաքանչյուր տարիքային խմբում, 1-ին, 2-րդ և 3-րդ տեղեր գրաված շախմատիստները կպարգևատրվեն հուշանվերներով և հավաստագրերով:

7. ՀԱՅՏԵՐԸ

Մարզային առաջնության մասնակցության անվանական հայտերը ներկայացնել ՀՀ Գեղարքունիքի մարզպետարանի կրթության, մշակույթի և սպորտի վարչություն մինչև 2019 թվականի մարտի 1-ը հաստատված համայնքի ղեկավարի կողմից:

ԳԼԽԱՎՈՐ ՔԱՐՏՈՒՂԱՐ՝



ՍԼՂԱԹՅԱՆ

Հավելված N3

ՀՀ Գեղարքունիքի մարզպետի
2019 թ. փետրվարի 18-ի
N 121-Ն որոշման

ԿԱԶՄ

**Հայաստանի Հանրապետության Գեղարքունիքի մարզի միջև 10, 12, 14 և 16
տարեկան պատանիների շախմատի 2019 թվականի մարզային փուլի
անցկացման մրցավարական հանձնաժողովի**

- Հայրապետյան Մերուժան - Հայաստանի շախմատի ակադեմիայի ներկայացուցիչ
/ գլխավոր մրցավար / համաձայնությամբ /
- Սարգսյան Կարո - Հայաստանի շախմատի ակադեմիայի Գավառի
մասնաճյուղի մարզիչ / քարտուղար, համաձայնությամբ /
- Վարդանյան Աշոտ - Հայաստանի շախմատի ակադեմիայի Սևանի
մասնաճյուղի մարզիչ / համաձայնությամբ /
- Պետրոսյան Մարգարիտ - Հայաստանի շախմատի ակադեմիայի Վարդենիսի
մասնաճյուղի մարզիչ / համաձայնությամբ /
- Մարտիրոսյան Հակոբ - Հայաստանի շախմատի ակադեմիայի Ճամբարակի
մասնաճյուղի մարզիչ / համաձայնությամբ /
- Հայրապետյան Արամայիս - Հայաստանի շախմատի ակադեմիայի Մարտունու
մասնաճյուղի մարզիչ / համաձայնությամբ /
- Արզումանյան Սամվել - Հայաստանի շախմատի ակադեմիայի Վարդենիկի
մասնաճյուղի մարզիչ / համաձայնությամբ /
- Թորոյան Գնել - Հայաստանի շախմատի ակադեմիայի Սարուխանի
մասնաճյուղի մարզիչ / համաձայնությամբ /

ԳԼԽԱՎՈՐ ՔԱՐՏՈՒՂԱՐ՝



ԽՆԴԱԹՅԱՆ